



26. mart 2009. godine
Broj: 0101-38-706/09

UNIVERZITET U SARAJEVU

- Svim visokoškolskim ustanovama/članicama
- Pridruženim članicama
- Institutima

n/r Dekanesa/Dekan/Direktor

S A R A J E V O

Predmet: Poziv za učešće na III Savjetovanju o reformi visokog obrazovanja i primjeni Bolonjskih principa na Univerzitetu u Sarajevu

Poštovani,

Univerzitet u Sarajevu organizuje treće po redu Savjetovanje o reformi visokog obrazovanja i primjeni Bolonjskih principa na UNSA, koje će biti održano **24. i 25. aprila (petak i subota) 2009. godine**. Prvi dan Savjetovanja održat će se *u amfiteatru Mašinskog fakulteta* Univerziteta u Sarajevu, a drugi dan će biti organizovan po grupacijama na sljedećim fakultetima:

1. Grupacija medicinskih nauka: amfiteatar **Veterinarskog** fakulteta,
2. Grupacija tehničkih nauka: amfiteatar **Elektrotehničkog** fakulteta,
3. Grupacija društvenih nauka: amfiteatar **Fakulteta političkih nauka**,
4. Grupacija humanističkih nauka: amfiteatar **Fakulteta islamskih nauka**,
5. Grupacija prirodno-matematičkih i biotehničkih nauka: amfiteatar **Prirodno-matematičkog** fakulteta,
6. Grupacija umjetnosti: **Svečana sala Rektorata**,
7. Bibliotekarstvo: amfiteatar **Filozofskog** fakulteta.

Kao što vam je poznato, prošlogodišnje Savjetovanje je okupilo oko 600 nastavnika, saradnika i studenata i ostalog akademskog i neakademskog osoblja Univerziteta u Sarajevu, te predstavnika drugih univerziteta iz BiH i regiona, predstavnike ministarstava obrazovanja Federacije Bosne i Hercegovine i Kantona Sarajevo, kao i predstavnike međunarodnih i nevladinih organizacija koje se bave visokim obrazovanjem.

Cilj Savjetovanja je sagledavanje sveukupne situacije u oblasti reforme visokog obrazovanja koja proizlazi iz Okvirnog zakona o visokom obrazovanju Bosne i Hercegovine i Zakona o visokom obrazovanju Kantona Sarajevo, što će biti osnova za naše daljnje određenje u implementaciji strateških reformskih Bolonjskih principa i približavanju evropskoj akademskoj zajednici.

S obzirom na značaj skupa i nastavka diskusija o stanju provođenja reforme na Univerzitetu u Sarajevu, te daljim pravcima i potrebama Univerziteta, molimo da Savjetovanju obavezno prisustvuju svi članovi nastavno-naučnih i umjetničkih vijeća, profesori, saradnici, studenti, sekretari, šefovi studentskih službi i biblioteka, te svi ostali zainteresirani članovi akademskog i neakademskog osoblja.

Preliminarni program za prvi dan Savjetovanja dostavljamo u prilogu. Također dostavljamo formular za prijavu učešća koji možete naći i u elektronskoj formi na www.unsa.ba. Popunjene formulare potrebno je dostaviti u Rektorat Univerziteta u Sarajevu (e-mail: zehra.d@unsa.ba, ili na fax: 033 565 127), **najkasnije do 15. aprila 2009. godine.**

Najljubaznije Vas molimo da ovu obavijest i formular, što hitnije, distribuirate svim zainteresiranim Vaših fakulteta/akademija i institucija.

S poštovanjem,

REKTOR

Prof. dr. Faruk Čaklovića